

JAUNGOIKOA TA FUEROAK.

POESÍA SEÑALADA CON **MENCION HONORÍFICA**

EN LAS FIESTAS EUSKARAS CELEBRADAS EN IRUN EN 1881.

Gauza bakochak Jaunak emonik
Badauz doe bereziak,
Zar eta gazte, gizon zeñ andra,
Dierri ta probintziak,
Dala arraiñak, dala choriak,
Abereak zeñ pistiak,
¿Lege bategaz zelan leitekez
Bizi munduan guztiak?

¿Zér deutsa bada atera arren
Uren barrutik arraiñak?
Joan daitezen leorrez ariñ
Une badituez oiñak?
¿Egazti batek zer balio dau
Uretan barriz sartziak?
Zer abereak ego bagarik
Aidez igoten astiak?

Ezin leiteke leorrez bada
Arraiñik iñoz ibilli;
Ez egaztirik uren barrutik
Joan leiteke igari;
Ezin leiteke ez, abererik
Egan aidean eregi,
Eta aiñ gichi Euskelerria
Erdeldun oso imini.

Beraz usoa egiña dago
Ibilli dedin aidean,
Ez abereak dabiltzan gisan
Beian emen lau oiñean;
Tiroz, ego bat eizari batek
Baña austen deutsanean,
¿Zelan kantau leiz lengo urruak
Erreken aldamenean?

Deituko deutsut gaur zuri bere
 Neure Erria, Usoa,
 Ez legoia ta ez arranoa,
 Ez belea, ez otsoa,
 Izanik zu aĩn sotill, zuri ta
 Otzan, leyal ta gozoa,
 ¿Alan errenik nok jarri zaitu
 Usocho biotzekoa?

¿Nun dozuz oraiñ zuk anchiñako
 Urrueta eztitsuak?
 Millak urteetan ibar oneetan
 Euskeraz kantaurikuak?
 Iñilldu ziran Uso maitea
 Zure euskeldun urruak,
 Zure orde z gaur kantetan dabe
 Bela baltz erbestekuak.

Zeĩn parebaga ziñan munduan
 Beti zeure Erregiña,
 Zeĩn Ama ona barriz guretzat
 Zeĩn eztitsu, zeĩn biguna,
 Zeĩn Uso bizkor, zeĩn arranoak
 Iñoz arrapau eziña,
 ¡Ai! baña orain legoia deutsu
 Jaurti atzamar samiña.

Zeĩn gozoa zan, barriro diñot,
 Lenago zure urrua;
 Zeĩn eztitsua ipar aiñetan
 Joten zenduan soñua;
 O zeĩn zuria agertzen ziñan
 Goiñetan egan jasua,
 Edur moltsua mendi gañean
 Ichirik baltzizkatua.

Jaunak emonik zenduzalako
 Zuk alakoñe egoak
 Eskumakoa Jaungoikoa ta
 Ezkerrekoa Fuegoak;
 Ego biokaz orreñegaitik
 Berrogei eunki osoak
 Gozau zenduzan mundu onetan
 Danak zorionekoak.

Baña gaur, ene, Uso maitea,
 ¡O! Ama erri laztana!
 Ume zurtz legez ikusten zaitut
 Gure guraso ziñana;
 Zeu ta umeok zorioneko
 Iñoz izango bagara,
 Zu osatuten bearko dogu
 Sayatu dudarik бага.

Asaba zarren Jaungoiko ona
 Arren eiguzu lagundu,
 Erri oni gaur biguntasunez
 Begira arren egiozu,
 ¿Zugan ustea jarri dabenik
 Bein bere al da lotsatu?
 ¿Noz Erri onek zure izenik
 Egin dau barriz ukatu?

Beronek beti, beti deitu dau
 Jaungoiko euskerazkua,
 Zeiñen egape artan nai daben
 Billau osasun dontsua;
 Zeiñegan daukan jayo ezkerro
 Icharopen os-osua,
 ¿Eta nok bestek osatu leyo
 Zauritutako egua?

Biurtu Jauna, egiozu gaur
 Len eukan al izatea,
 Biurtu Jauna, zuk egiozu
 Euskeldun bizierea,
 Biurtu Jauna, arren eyozu
 Euskeldun zarren bakea,
 Biurtu Jauna nai dogulako
 Gorde guk euren fedea.

Zerren aišerik ez jakun emen
 Geiago aserratuko,
 Zerren burruka ichasoetan
 Bagarik ez dan jagiko;
 Zerren erdeldun diran gauzetan
 Ez garean gu sartuko,
 Zerren guztiok geure ontzia
 Salbetan goazalako.

Zerren bakigun baten giñala
 Ibilli oker begira,
 Nun Iparrera bearrean jo
 Gendua Eguerdira;
 Zerren nai dogun oraiñ guztiok
 Biurtu lengo tokira,
 Asaba zarrak libertadean
 Biziten ziran Errira.

Euren Jainkoa gure Ipar da,
 Nogan ditugun josiko,
 Biotzetako gure orratzak
 Gaur danik beti betiko;
 Odei gaiñ baten Lauburu zelan
 Gidari deuskun jarriko,
 Bere ondoren oker bagarik
 Kananen gara sartuko,

Bere ondoren joango gara
 Aurrera basamortuan,
 Aurrera, aurrera, leorrez legez
 Bardin bardin ichasuan;
 Aurrera, eta Jaungoikoari
 Euskeraz deitu orduan,
 Uren erditik zabalduko da
 Bide leor bat beinguan.

Alperrik dira Ejipton barriz
 Suzko euriak jausiko,
 Sodoma legez alperrik dira
 Uriak auts biurtuko;
 Alperrik trumoi chimistatsuk
 Sorua dardaratuko,
 Loten andreak legez atzeruntz
 Ez dogu begiratuko.

Alperrik bere etorriko da
 Faraon armaz jantzia,
 Damuz beterik Israeleri
 Libre joaten ichia;
 Baña jaristen noz ondo daben
 Ichaso erdi erdia,
 Ur biak trilla eginda deutse
 Illgo amorru guztia.

Dakialako Jaunak emoten
 Danai euren alogera,
 Erri leyal ta baita mukerrai
 Irabazita daukena,
 Ichas erditik eroaten dauz
 Onak baterik bestera,
 Dongak botaten ondarreraño
 Arraiñak gizendutera.

FELIPE ARRESE TA BEITIA.